

S. L. C. विद्यार्थीतय निम्ति:--

नेपाल भाषा

खः

क

थं

च्व

ये

गु

लँ

पु

च्वमि:—

सूर्य बहादुर पिवाः,

शान्ति निकुञ्ज,

हाईस्कूल,

नेपाल,

न्याः,

लि,

व

द

थु

या

आ

खः

नेपाल भाषा

न्हाः,	खः	चमिः-
लि,	क	सूर्य बहादुर “ पिवाः ”
व	थं	शान्ति निकुञ्ज हाईस्कूल,
द	चव	भगवतीचारी,
थु	ये	काठमाडौं,
या	गु	नेपाल ।
आ	लँ	
खः	पु	

“ दको नेपामियात लःहाना । ”

ने. सं १०७६

वि. सं २०१३

इ. सं १९५७

मू १४० पीगः

पिका:मि:--

रत्नपुस्तक भण्डार,
भोटाहिटि,
काठमाडौं, नेपाल।

(ब्याक्क अधिकार च्वमियाके)

न्हापांगु द्व:छि



था:गु थाय्:--

“ हिमालय प्रेस, ”

अँवहाल नवहील,

काठमाडौं, नेपाल ।

छत्वाःचा खँ

नेपाल भाषायागु छगू व्याकरण च्वये धका मतिइ तयाः तयागु ताःहे दत । तर न्हागुं ज्यां ई काइगु जुया ला छु धाये, अर्थे च्वये मफयाः च्वंगुलिइ थौं वया बल्ल थ्व चीचा धंगुया रुपय् जुउसां च्वये फयागुलिइ अतिकं लय्ताया । खतु थ्व च्वये फः वःगु ईया घ्वासां हे जक खः । आपाः हे पासापिसं नेपाल भाषा व्याकरण छगू च्वकि च्व धायादिउगुलिं, उकिसं थ्व भाषा च्वयेगुलिइ छगूपहः मवया विउगुलिं, हानं नेपाल भाषा काया प्रवेशिका परीक्षा विइपिं विद्यार्थीतयत न्ह्यःलि, व दध्या आखः थ्व भाषाय् गय च्वयेगु धायागु छगू समस्या हे थें जुया च्वंगु, व व सयेकेगुलिइ गुहालि बिइगु सफू छगू हे पिहाँ मवयाः च्वंगुलि थौं थ्व “नेपाल भाषा खःकथं च्वयेगु लपु” नांगु सफूचा छगू च्वयाः छिकपिनि न्ह्यःनय् तये हया च्वंना । थ्व सफुलिं छुं भचा जक हे खःकथं च्वयेगुलिइ छिकपित मदत यात धाःसा जिं थःगु कुतः सकल जुउगु दः धका भाषाः काये ।

थ्व सफू पिकायेगुज्या याना विउगुलिं पासा रत्न प्रसाद श्रेष्ठ-रत्नपुस्तक भण्डारयात, कथिइक जिगु सफू कचायेक स्वया बियादियाः सल्लाः बिया दिउगुलिं भी समालोचक माधवलाल कर्माचार्ययात, सफू च्वया च्वंना बलय् ताकतुक साहुति बिया बिउगुलिं कवि रमापति राज शर्मा-मन्त्री, नेपाल साहित्य मन्दिरयात, अले दकेलिपा प्रुफ स्वयाः ब्वां-ब्वां जुसे बियादिउगुलिं भाषा भक्त बैकुण्ठ भक्त साखःकःमियात जिं नुगलं निसें धन्यवाद लःल्हाये ।

जयमां भाय् ! जय नेपाल !

दिलागा ११, '७६

सूर्य बहादुर “पिवाः”

धलःपौ

विषय	पौल्याः
१. दुर्हा	१
२. छद्याः—ह्रस्व दीर्घ	
(क) संज्ञा	१
(ख) क्रिया	३
(ग) विशेषण	१०
३. निद्याः—खँगोया पहः	
(क) कारक	११
(ख) सर्वनाम	१४
(ग) विशेषण, क्रियाविशेषण, सम्बन्धबोधक, संयोजक, विस्मयादिबोधक	१६
४. स्वद्याः—क्रियाया अवस्थाया रूवाःपाः	१८
५. प्यद्याः—लिआखः	२१
६. डाद्याः—खँगोया रूवाःव वया मूलरूप	२३
७. खुद्याः—(क) ' श, ष, स '	२५
(ख) ' त, थ, द, ध, न '	२५
(ग) ' ब, व '	२६



दुहाँ

(क) छगू भाय् मेगु भाय् नापं ध्वन्यात्मक दृष्टि स्वये बल्य् आपाः पानाः च्वनि । उकिं भीसं 'क्वथा' च्वये माः, 'कोठा' मखु ।

(ख) थर्थे तुं व्याकरणात्मक दृष्टि स्वये बल्य् नं भीगु भाय्या आखः, न्ह्यःनय्या जुयेमाः, दथुया जुयेमाः अथवा लिउनय्या जुयेमाः, आपाःथें ह्रस्व हे खने दः । उकिं भीसं 'बजि' च्वयेमाः, 'बजी' मखु ।

(ग) व्याकरणं छगू कथं च्वयेगु भीत स्थिति । व्याकरण मरगु भाय् स्थानीय भाय् थें जक जुसे च्वनि । उकिं छगू भाय्यात छथाय्यागु पहः जक वयेक च्वये मजिउ । भाय् च्वये बल्य् प्रामाणिकता, भौगोलिकता, अले आधुनिकता वयेक च्वयेमाः । उकिं भीसं ' धाया दिल' च्वयेमाः, 'धया दिल' अथवा 'धैदिल' च्वये मजिउ । ' जेन, वव, भालपाव इ'० पुलंगु रुप खःसां थौंयात आः भीसं 'जि, वः, भाःपाः इ' रुपं च्वयेगु यायेमाः ।

(घ) नेपाल भाषाय् 'अ, आ, इ, उ, ए ओ' कार फुकं ह्रस्व नं दीर्घ नं दः । थ्व थ्व भाय्यागु थःगु पहः खः । 'अ व आ' या दीर्घ रुप क्यंनेत 'ः' लिनिफुति तँनेगु चलन दः । उकिं थ्व भाषाय् ह्रस्व-दीर्घ थुकथं खः ।

ह्रस्व	दीर्घ
क	कः
का	काः
कि	की

कु

क्य

क

कं

x

x

कू

के

कः अथवा को

x

कौ

कं

३०

नोट—व्रँने न्ह्यः मीगु भायूया पहः सिइकेत न्हाहसयां
 'दुहाँ' नि व्रँना दिसँ ।

— च्वःक्ष

छद्या ह्रस्वदीर्घ संज्ञा

१. एकाक्षरी संज्ञाशब्द 'अ, आ, इ, उ, ए, ओ' कार फुकं ह्रस्व जुइ । तर आखः लोपगु जुउसा दीर्घ जुइ । छगः आखलं अप्पो दःगु शब्द खःसा न्ह्यःनय्या आखः आपायाना ह्रस्व हे जुइ ।

(क) एकाक्षरी संज्ञा शब्द—खँ, था, चि, चु, थ्वँ इ०

(ख) आखःलोपगु संज्ञाशब्द—खः (खत); गाः (गाल); ई (इल); मे (मेस); को (कोख) इ०

(ग) छगः आखलं उप्पोगु शब्द—अपा, इताः, उजं, षवत, भवत इ०

अपवाद—पीजा, तेल, तीका, कूताः, छेँ, पे, घे, कौ इ०

द्रष्टव्य—आपायाना न्यागु शब्द न न्याःनय् च्वंगु ह्रस्व जुइ । गथे—लिक, लिसे, लिपा, उपो, थुलि, छिपि, इ०

२. न्याःआखः (उपसर्ग) आखः लोपगु शब्द च्वंना वनये जुइगु, व आखः हे लोपगु शब्दया न्याःनय् च्वंगु आखः दीर्घ हे जुइ ।

(क) आखः लोपगु न्याःआखः दःगु शब्द—मूति (मुलति); खःसः (खवसः); यःमहि (यवमहि) इ०

(ख) आखः हे लोपगु शब्द—पःखाः (परखाल); जःखः (जवखव); ई--व्यः (इल बेल); गःतां (गलतान); कःति (कवति) इ०

३. आखः लोप थाय् बाहेक मेथाय् फुकं थासं अन्तयागु आखः ह्रस्व हे जक जुइ ।

(क) अन्तया आखः ह्रस्व जुइगु शब्द—अजि, भाजु, ज्यामि, निनि, वजि, क्वाति, अन्ति, खुसि इ०

(ख) आखः लोपगु जुया अन्तया आखः दीर्घ जुइगु शब्द—मनू (मनुख); फुकी (फुकिज); द्वलंढः (द्वलंढल); इ०

४. उजो (तत्सम) शब्द मेगु भाषाय् प्रयोग थें तुं जुइ ।

तर उथें शब्द (तद्भव) नेपाल शब्दया च्वय्या नियमय् हे लाः वः ।

(क) उजो शब्द—बल, देव, देश, हर्षमान इ०

(ख) उथें शब्द—वः, घः, दे, हर्षमां इ०

५. संज्ञा जुउसां विशेषण जुउसां मेगु भासं वःगु उजो शब्द (तत्सम शब्द) या प्रयोग मेगु भाषाय् थें हे जुइ । गथे—पीर, ऊँट, वीर, शूर, तस्वीर, महशूर, कीर्ति, मूर्ख, बिल, सेल, भोर, आखिर इ०

क्रिया

६. निगः आखलं दःवया च्वंगु क्रियायागु न्ह्यःनय् च्वंगु आखः 'इ, उ, ए, ओ' कार ह्रस्व जुइ । गथे-फ्यले, फ्यँने, स्वके, फ्यये, चिले, चिँने, दिके, दिये, उले, कुँने, फुके, बुये, प्वले, च्वँने, श्वके, ध्वये, इ०

अपवाद—तोते इ०

७. उपसर्ग च्वंवया च्वंगु क्रियाया न्ह्यःनय्या आखः ह्रस्व जुइ । उपसर्गया रुपं आखः लोपगु, दीर्घ संज्ञाशब्द हे वयाच्वंगु खःसा ला दीर्घ जुइ ।

(उपसर्ग च्वंवया च्वंगु क्रियाया न्ह्यःनय्या आखः—क्वकाये (क्व+काये); दुकाये (दु+काये), पितबिये (पित+बिये) इ०

(ख) आखः लोपगु, दीर्घ संज्ञाशब्द उपसर्ग धेवगु शब्द—पोचिये (पोल+चिये); मोलहुये (मोल+लहुये); चूलाके (चुल+लाके); मूपुले (मुल+पुले), गोतुले (गोल+तुले); कोजिये (कोल+जिये); कोछिये (कोल+छिये) इ०

८. 'ये' वाहेक मेगु क्रियाया दथुइ च्वंगु आखः 'इ, उ, ए, ओ' कार ह्रस्व हे जुइ । गथे—तप्यने, फ्ययेके, लुइके, मायेफवये, गोतुले, पुतिहाये, लुकुंबिये, तोधुये, उठयेजुये इ०

९. मूल क्रिया (गये, प्वले, च्वके, च्वँने, भपे, तोते) स लिउनय्या एकार न्ह्यागु अवस्थाय् नं दीर्घ जुइ । मेगु रुपय् क्रियाया अन्तया आखः ह्रस्व हे तुं जुइ ।

(क) मूल क्रियाया लिउनय्या एकार न्ह्यागु अवस्थाय् नं दीर्घ—गये, प्वले, च्वके, च्वँने, भपे, तोते, गथेला, प्वलेतिनि, च्वकेगु, च्वँने बिउ इ०

(ख) मेगु रुपय क्रियाया अन्तया आखः ह्रस्व—गइ, गइतिनि, प्वलि, च्वकिइ, च्वनि, भपिइ, तोतिइ, ग, प्व, च्वकि, च्वँ, भपिउ, तोति इ० । तर वर्तमान कालबोधक क्रिया 'व' लोप जुया दीर्घ हे जक जुइ । गथे—गः, प्वः च्वकः, च्वँ इ०

द्रष्टव्य—'ए' कारं लिपा 'इ व उ' कार उठये जुउगु क्रिया खःसा उगु वर्तमान कालया अवस्थाय नं ह्रस्व हे जुइ । गथे—बिउ, थुउइ०

१०. साधारणतः विभिन्न तालं चलये जुइगु क्रिया थुपि खः।

(क) नये (ख) काले (ग) बुके (घ) कुँने (ङ) भाःपे (च) तोते ।

द्रष्टव्य—सहायक क्रिया 'दये, खये, माले' व अपवाद क्रिया 'यये, लये इ०' जक क्रिया भिन्न प्रकारं वनि ।

(छ) दये (ज) खये (झ) लये (भ) यये (ट) माले

हाकनं—भोगु नेपाल भाषाय उत्तमपुरुषय् छगू कितां अले मध्येम व प्रथम पुरुषय् मेगु कितां क्रिया वइ । भोगु भासय् भूत निताजि दः १ अपूर्ण भूत २ पूर्णभूत । भविष्य नं निताजि हे दः । १ सामान्य भविष्य २ सम्भाव्य भविष्य ।

उदाहरणत

वर्तमान

क. (उ) जिं जा नये ।

(म) छं जा नः ।

ख. (उ) जिं खेँ काले ।

(म) छं खेँ काः ।

ग. (उ) जिं मचायात चिकनं बुके ।

- (म) छं मचायात चिकनं बुकः ।
घ. (उ) जिं खुँयात छ्यलिइ कुँने ।
(प्र) वं खुँयात छ्यलिइ कुं ।
ङ. (उ) जिं थथे भाःपे ।
(प्र) वं थथे भाःपिउ ।
च. (उ) जिं पंजलं वखुं तोते ।
(प्र) वं पंजलं वखुं तोतः ।
छ. (उ) जि थन दः ।
(म) छ थन दः ।
ज. (उ) जि तःमिह खः ।
(म) छ तःमिह खः ।
झ. (उ) जिं थथे धाये त्यः ।
(म) छं थथे धाये त्यः ।
झ. (उ) जित छ यः ।
(प्र) वयात छ यः ।
ट. (उ) जिं थ्व ज्या यायेमाः ।
(म) छं थ्व ज्या यायेमाः ।

अपूर्णभूत

- फ. (उ) जिं जा नया ।
(प्र) वं जा नल ।
ख. (उ) जिं खेँ काला ।
(प्र) वं खेँ काल ।
ग. (उ) जिं मचायात चिकनं बुका ।
(प्र) वं मचायात चिकनं बुकल ।

घ. (उ) जि खुँयात छयलिइ कुँना ।

(म) छँ खुँयात छयलिइ कुँन ।

ङ. (उ) जि थथे भाःपिया ।

(म) छँ थथे भाःपिल ।

च. (उ) जि पंजल बखुं तोता ।

(म) छँ पंजल बखुं तोतल ।

छ. (उ) जि थन दत ।

(प्र) व थन दत ।

ज. (उ) जि तःमिन्ह खत ।

(म) छँ तःमिन्ह खत ।

झ. (उ) जि थथे धाये त्यल ।

(म) छँ थथे धाये त्यल ।

ब. (व) जित छ यल ।

(प्र) वयात छ यल ।

ट. (उ) जि थ्व ज्या यायेमाल ।

(म) छँ थ्व ज्या यायेमाल ।

द्रष्टव्य—वर्तमान कालनापं सम्बन्ध दःगु अर्थात् नकतिनि जुउगु कालय् अपूर्णभूत क्रिया च्वंवइ—गथे—वं जा नल । मैच्चा मचाबुउम्हस्यात चिकनं बुकल ।

पूर्णभूत

क. (उ) जि जा नया ।

(म) छँ जा नला ।

ख. (उ) जि खेँ काला ।

- (प्र) वं खेँ काला ।
- ग. (उ) जिं मचायात चिकनं बुका ।
(म) छं मचायात चिकनं वुक्ला ।
- घ. (उ) जिं खँयात छ्यलिइ कुँना ।
(प्र) वं खँयात छ्यलिइ कुँना ।
- ङ. (उ) जिं थथे भाःपिया ।
(म) छं थथे भाःपिला ।
- च. (उ) जिं पंजलं बखुं तोता ।
(प्र) वं पंजलं बखुं तोतला ।
- छ. (उ) जिं थन दता ।
(म) व थन दता ।
- ज. (उ) जिं तःमिन्ह खता ।
(प्र) व तःमिन्ह खता ।
- झ. (उ) ×
(म) ×
- ञ. (उ) जित छ यला ।
(प्र) वयात छ यला ।
- ट. (उ) जिं ज्या यायेमाला ।
(म) छं ज्या यायेमाला ।

द्रष्टव्य—वर्तमान कालनापं छं सम्बन्ध हे मदये धुकःगु अवस्थाय् पुर्णभूत क्रिया वइ—गथे—जो वःसां रामं जा नला, उकिं जो बढये जुउगु ।

नोट—यँयू व यलय् जक 'ला' मधासे 'लः' धक ताहाक जक धाइगु चलन दः ।

सामान्य भविष्य, संभाव्य भविष्य

द्रष्टव्य—सामान्य भविष्य कालय् 'तिनि' दः वल कि
संभाव्य भविष्य खः वइ ।

क.	(उ) जिं जा नये	(तिनि) ।
	(म) छं जा नइ	(") ।
ख.	(उ) जिं खैं काले	(") ।
	(प्र) वं खैँ कालि	(") ।
ग.	(उ) जिं मचायात चिकनं बुके	(") ।
	(म) छं मचायात चिकनं बुकिइ	(") ।
घ.	(उ) जिं खुँयात छ्यलिइकुँने	(") ।
	(प्र) वं खुँयात छ्यलिइ कुँनि	(") ।
ङ.	(उ) जिं थथै भाःपे	(") ।
	(प्र) वं थथै भाःपिइ	(") ।
च.	(उ) जिं पंजलं बखुं तोतै	(") ।
	(म) छं पंजलं बखुं तोतिइ	(") ।
छ.	(उ) जिं थन दइ	(") ।
	(म) छं थन दइ	(") ।
ज.	(उ) जिं तःमिह्ण खइ	(") ।
	(प्र) व तःमिह्ण खइ	(") ।
झ.	(उ) जिं थथे धायै त्यइ	(") ।
	(म) छं थथे धायै त्यइ	(") ।
ब.	(उ) जित छं यइ	(") ।
	(प्र) वयात छं यइ	(") ।

ट. (उ) जिं ज्या याये मालि (") ।

(म) छं ज्या याये मालि (") ।

द्रष्टव्य—जुइगु अति सम्भव दःसा (क) संभाव्य भविष्य क्रिया वइ, तर जुयेनं फः, मजुये नं फःथें च्वंसा (ख) सामान्य भविष्य क्रिया वइ । (क) रामं आखः व्वंनि तिनि (ख) वया ब्वाह्म मंत, अयूनं वं आखः व्वंनि ।

११. आकारं उठये जुउगु क्रियाया प्रेरणार्थक रुपय् दथुइ 'ये' वःसा; 'इ व उ' कारं उठये जुउगु क्रियाया दथुइ 'इ' वःसा; उक्रिया भूत कालय् 'ल' वइ, मखुसा 'त' वइ । तर 'अ' कारं उठये जुउगु क्रियाय् धाःसा (दये, खये, फये, इ०) भूत कालय् 'त' वयाः नं दथुइ 'ये' च्वं वः नापं दथुइ 'ये' मवसें नं भूतकालय् 'ल' दःवः । गथे—(क) 'काये' (ग्रहण यायेगु अर्थ खःसा) 'कायेके'; 'काये'; (दुखय् लाये अर्थ खःसा) 'काके'; खुये (निको याये अर्थ खःसा) खुके—प्रेरणार्थक रुप जुउ वइ । भूत कालया रुप 'काल', 'कात' 'खुल', 'खुत' जुइ । 'दये, खये, फये' या जक भूतकालया रुप 'दत, खत, फत' जुया नं 'दयेके, फयेके, खयेके' प्रेरणार्थक रुप जुउवइ । 'गये, नये' निगुलि क्रियाया भूतकाल 'गल, नल' जुउसां थुमि प्रेरणार्थक रुप 'गयेके, नके' जुइ । उकिं अकारं उठये जुइगु क्रिया गुगुं 'गये' क्रियाथें, गुगुं 'नये' क्रियाथें जुइ ।

१२. विशेषणं पिहाँ वया च्वंगु 'इ, उ' कारान्त क्रियाया वर्तमान कालय् प्रथम व मध्यम पुरुष नापं 'उ' तंवइमखु । गथे—श्व ज्या थाकु (थाकुउ मखु) । श्व भो सालु (सालुउ मखु) । छाय धाःसा 'थाकुये, सालुये' क्रिया 'थाकु, सालु' विशेषणं दः वया च्वंगु खः ।

विशेषण

१३. 'कु, गु, तु, धि, पु, फि, मि, ह्य, लु, सि, इ०' 'कारांत बाहेक मेगु विशेषणया अन्तया आखः दीर्घ जुइ । गथे-थाकु, अःपुगु, क्कातु, तःधि, तःपु, चीफि, तःमि, बांलाःह्य, सालु, गंसि;; तर तुयू, खू, भ्वाबो, श्वाथः, यः, छगू, निगू, फिगू, नीगू, स्त्रीगू, पीगू, ग्वीगू, इ० ।

द्रष्टव्य—'दये व खये' क्रियाया 'दत व खत' भूतकालया रूप खःसां आपायाना 'दःव खः' नं हे थाय् स्वया भूतकालया अर्थ पिकाः वँनेमाः । गथे-व तःमिह्य खः । व थन दः । हानं विशेषण 'ह्य बा गु' संयुक्तगु खःसा, अले व पूरक जुया वया च्वंगु खःसा जक 'दये, खये' क्रिया वइ । नत्र वइमखु । गथे-व तःमि । व तःमिह्य खः ।



निद्या

खँगोया पहः

१४. शब्दया लिउनय् अथवा दथुइ नं आखः लोप जुउवइथाय् 'अ, आ' कार जुउसा 'ः' लिनिफुति च्वँना दीर्घ जुउवइ । अले 'इ, उ, ए, ओ' कार जुउसा दीर्घ जक उच्चारण जुउवइ । तर 'म व म' लोप जुउवंसा अनुस्वार तयेमाः । गथे—लः (लख); गाः (गाल); मनू (मनुख), ती (तिल); वखुं (वखुन); मां (माम;) इ० ।

१५. नेपाल भाषाय् 'क, ख, च, ज, त, थ, म, न, र, ल, व, स, ति, थि, नि, लि' इ० आखःसंज्ञाय् लोप जुउवं । थुगु आखःसकर्मक क्रिया नापं कर्ता जुइ बलय्, अले अप्राणीवाचकय् 'पाखें' या अर्थ वयेके मालिबलय् जक पिलुउवइ । तर बहुवचनया रूप काः वँनि बलय् सकर्मक क्रिया वःसां लोपगु आखः खने दः वइ मखु । गथे—

अकर्मक क्रिया नापं

१. मनू छम्ह घँन ।

सकर्मक क्रिया नापं

१. छम्ह मनुखं खुं ज्वँन ।

अप्राणीवाचकय् 'पाखें' या अर्थय्

१. मयालं मचा छम्ह कुतूँ वँन ।

'स' (सप्तमी) या अर्थ क्यँनि बलय्

१. मयालय् मचा छम्ह दः ।

सकर्मक क्रिया नापं बहुवचनय्

१. मनुतयसं नेपाल भाषा पत्रिका व्वँनाच्चन ।

१६ 'स, च, ज,' लोप जुया आपा: थासय् लोपगु आख:या थासय् 'य्' च्वंवइ । गथे-न्हाय् (न्हास); कय् (क्वच्च); बनय् (बनज); मे (मेस), फै (फैस) इ०

द्रष्टव्य—आपायाना 'अ व आ' कारया लिउनय् (बनज-बनय् 'वाहेक) 'स, च, ज' लोप जुया 'य्' च्वंवइ । १७. ति, लि, थि, नि ' तँना वना दीर्घ 'ऊ व औ' कार जुउ, वँना च्वंगु शब्दत । गथे-भौ (भति); भौ (भलि); तूँ (तूँथि); थौँ (थनि) इ० ।

१८. सर्वनाम, नाता, व आदरार्थी शब्दय् बहुवचनय् 'पि' वइ । मेगुलिइ 'त' व 'तयसं (सकर्मक क्रिया नापं) वइ । गथे—(क) मनूत वल । (ख) पसल्यातयसं साह्वी भा: थिके यात । (ग) दाजुपिं थ्यंक: भाल । (घ) वय्क:पिं कह्य् ख्वप भाइ । (ङ) भाजुपिं गुबलय् भायेगु ?

१९. द्वितीयाया कर्मया रूपय् एक वचनय् 'यात' व बहुवचनय् 'तयत' वइ । तर कर्म अप्राणीवाचक ख:सा 'यात' वइ मखु । कर्म प्राणीवाचक जुया नं 'यात' विकल्पं जुइ । गथे—रामयात स:ति । मनूतयत छु धाये ? राम स:ति । जिं जा नया ।

द्रष्टव्य— हानं द्विकर्मक क्रिया जुउवल धा:सा प्रधान कर्मय् 'यात' दइ, तर गौणकर्मय् 'यात' च्वं वइमखु । गथे—कृष्णं रामयात संस्कृत स्यँन ।

२०. करणय् ' ' अनुस्वार अथवा 'नं' तयेमा: । गथे—कलमं आख: च्व । कौनं छंत कयेके ला ? खं छंत खुशी याये फइमखु ।

द्रष्टव्य—आपायाना आखः लोप मखुगु ‘आं व अं’
कारय् ‘नं’, व मेथाय् ‘’ वइ ।

२१. सम्प्रदानय् द्वितीयाय् थें हे जुइ ।

२२. अपादानय् प्राणीवाचकय् ‘पाखें’, अप्राणीवाचकय् ‘’
अनुस्वार अथवा ‘नं’ वइ । गथे— मयालं तिन्हुया हुँ ।
छें मनु वल । रामपाखें थ्व ज्या जुला । थौं विदा दः धका
रेडिओनं खवर वः ला ?

द्रष्टव्य—आखः लोप मरुगु ‘ओ, औ व अं’ कारय् ‘नं’,
अले मेथाय् ‘’ वइ ।

२३. षष्ठीइ विशेषण हे संज्ञा जुया च्वंगुसा ‘स्या’ अथवा
‘स्यागु’ वइ, ‘या’ अथवा ‘यागु’, व ‘याह्य’ साधारण
रूपं न्हागुलिं वये फः । प्राणीवाचकया धनी धायागु बोध
जुउवःसा, जक ‘याम्ह’ वइ । बहुवचनया षष्ठीइ ‘तयगु,
अथवा, तयम्ह’ वइ । गथे—रामया छें थ्व खः । रामयागु
छें थ्व खः । थ्व छें याम्ह थुवाः राम खः । आपास्या थुगु
धापू दः । हूँ मनुतय लु खँ ह्वाना च्वन ? थ्व सुयाम्ह मनु ?
थौंयापि मनुतयगु स्वभाव थय हे जुयावल ।

अपवाद—कहस्या, हिनस्या, चाहस्या, बहिस्या इ०

२४. सप्तमीया रूपय् ‘अ, आ, ए, ओ’ कारान्त जुउसा ‘य्’
अथवा ‘स’, ‘इ, उ’ कारान्त जुउसा ‘इ अथवा स’ वइ ।
प्राणीवाचक खःसा ‘याके, तयके, पिके, स्याके’ वइ । गथे—
सफू बैय् ति । सिमाय् चखुंचा छम्ह दः । रेडिओय् छुँ दुहाँ
वँन । म्हुदुइ ई बुल । तुतिइ घाः लात । पासापिके ध्यवा दः ।

२५. लिउनय् आखः लोप मजुउगु ‘अं व औ’ कार संज्ञा
‘लय्’ वया सप्तमीया रूप काः वँनि । बंलय्, कौलय् इ०

२६. सम्बोधनया रूप प्रथमा थें हे जुइ । गथे—अय् राम !
थन वा ।

२७. थब क्वय् च्वंगु सर्वनाम क्वय् च्वया थं हे जुइ ।

उत्तमपुरुष

ए. व

व. व

कर्ता०	जि, भी; जिं, भीसं.	जिपिं, भीपिं; जिमिसं, भीपिसं.
कर्म०	जित्; भीत.	जिमित्; भीत.
षष्ठीकारक०	जिगु; भीगु.	जिमिगु; भीपिनिगु.
सप्तमीकारक०	जिके; भीके.	जिमिके; भीके.

द्रष्टव्य—सप्तमी कारकय् 'जिगु, जिम्ह इ०' या 'गु, म्ह' लोप
या:सां जिउ ।

मध्यम पुरुष

ए. व

व. व

कर्ता०	छ, छि, छ:पो, छं, छिं, छ:पोलं.	छपिं, छिपिं, छिकपिं, छ:पोपिं, छमिसं, छिमिसं, छिकपिसं, छ:पोपिसं.
कर्म०	छंत, छित, छ:पोयात.	छमित, छिमित, छिकपित, छ:पोपित.
षष्ठीकारक०	छंगु, छिगु, छ:पोयागु.	छमिगु, छिमिगु, छिकपिनिगु, छ:पोपिनिगु.
सप्तमीकारक०	छंके, छिके, छ:पोयाके,	छमिके, छिमिके, छिकपिके, छ:पोपिके.

द्रष्टव्य— षष्ठीश्च कारकय् अथे हे ।

प्रथमपुरुष

ए. व

कर्ता० व, ध्व, ध्वय्कः, गुगू, वय्कः, गुम्ह, सु, वं, ध्वं,
ध्वय्कलं, गुगुलिं, वय्कलं, गुकि, गुम्हस्यां, सुनं.

कर्म० वयात, ध्वयात, ध्वय्कःयात, गुगूयात, वय्कः
यात, गुकियात, गुम्हस्यात, सुयात.

षष्ठीकारक० वयागु, ध्वयागु, ध्वय्कःयागु, गुगूयागु, वय्कः
यागु, गुकियागु, गुम्हस्यागु, सुयागु.

सप्तमीकारक० वयाके, ध्वयाके, ध्वय्कःयाके, गुगुलिइ, गुकिइ,
गुम्हस्याके, सुयाके.

व. व

कर्ता० उपिं, ध्वय्कःपिं, थुपिं, गुगू, वय्कःपिं, गुम्ह, सु,
उमिसं, ध्वय्कःपिसं, थुमिसं गुगुलिं, वय्कःपिसं,
गुकिं, सुनं.

कर्म० उमित, ध्वय्कःपित, थुमित, गुगूयात, वय्कःपित,
गुकियात, गुम्हस्यात, सुयात.

षष्ठीकारक० उमिगु, ध्वय्कःपिनिगु, थुमिगु, गुगूयागु, वय्कः
पिनिगु, गुकियागु, गुम्हस्यागु, सुयागु.

सप्तमीकारक० उमिके, ध्वय्कःपिके, थुमिके, गुगुलिइ, वय्कःपिके
गुकिइ, गुम्हस्याके, सुयाके.

द्रष्टव्य— छु, छुं, छुकिं, छुयात, छुयागु,

छुकियागु, छुइ, छुकिइ ' छु 'या रूप हिउवँनि ।

२८. नकारात्मक अर्थय् थःगु हे कथं रूप काः वॅनिगु छुं क्रिया
थुपिं खः । गथे—खये (मखु); दये (मदु); माले (म्वः) इ०
हानं आज्ञाय् गजबं रूप काइगु क्रिया थुपिं खः । गथे—तये
(ति); हये (हति अथवा न्हि); वॅने (हुँ); वये (वा) इ०

२९. छुं विशेषण :—

थाकु, माकु, हाकु, चाकु, खायू, तुयू, सियू, सालु, पालु,
न्यालु, द्वालु, साः, बांलाः, ताःलाः बल्लाः, यार्पा, खू, धुसि,
भ्वासि, न्यासिचाः, वॅचाः, पुक्क्या, फ्याःफः, ह्वाज्यः, ग्वाज्यः,
तःधि, तःजा, तःपा, तःपु, तःजो, तःफो, तःफि, चीफि, चीधि,
तःगो, सःम्ह, वःम्ह, म्हासु, देकान्ना, सेन्ना, कातु, फ्यातु, वःगु,
हःगुः, इ०

द्रष्टव्य—विशेषणय् ‘ म्ह,गु,पिं ’ विकल्पं वइ ।

३० छुं क्रियाविशेषण—

थाकुक्क, माकुक्क, हाकुक्क, खाइक्क, तुइक्क, भुइक्क, सालुक्क, न्यालुक्क,
साक्क, बांलाक्क, ताःलाक्क, बल्लाक्क, यार्पाजुइक्क, न्यासिचायेक्क,
तःधिक, मथां, याकनं, थथें, धरिमय्, थौं, कन्हय्, म्हिग, कंस
थन, अन, जःखः, च्वय्, कय्, कनय्, कोजिक, त्याजिक,
म्हाइपुक, सिचुक, दिन्न, घटघट, त्वार, पुलुक्क, तुंप्रुंग, गथे,
थथे, थुकथं, गुबलय्, गुकथं, थुवलय्, छत्थुं, तीजक्क, नरथक्क,
किमिसिक्क, ह्थिं, छन्हुअत इ०

३१. छुं सम्बन्धबोधक खंगो :—

नापं, लिसे, सिकं, पाखे, लिक, थिइक्क, यां, जा, ला, तु, दे,
च्वय्, न्ह्यःनय्, कय्, च्वसं, न्ह्यःनसं, कसं, ह्वापा, लिपा, दथु,
दथुसं, तःलय्, तःलसं, द्यनसं, स, य्, इ, लय्, या, यागु, याम्हा

स्यागु, इ०

६२. छुं संयोजक खँगोः—

व, मखुसा, नत्रसा, अथवा, बा, ल, र, तबि, यदि, अले, नापं, जब, छायाधाःसा, छायाकि, नापनापं, गुबलय, उबलय, जव, तर, बरू, हानं, न, कि, इ०

६३. छुं विस्मयादिबोधक खँगो :—

धन्दे, अहा, अय्, ए, अहो, अय्या, छि, छिछि, धत्, भुक्क, उऊ, कासिं, छिं, का, बाबा, देखाजायेगा, धरोधर्म, इ३३, हरेशिव, मन्तयक, रामराम, तारेमाम्, नमस्ते, इ०



स्वद्या

क्रियाया अवस्थाया खाःपाः

३४. छगू क्रियां आपाः अवस्थाया रूप काःवं । क्य् 'नये' क्रिया छगूया भिन्नाभिन्नै रूप दः, गुगु खनेसाथं मेमेगु क्रिया नं चवये फः ।
१. नके—जि मचायात जा नके ।
२. नके छवये—थौं जि मचावुउम्ह म्हाय्यात खाया ला छकः नके छवये ।
३. नयाः—जि नकतिनि हे धरोधर्म जा नयाः थन वयागु ।
४. नसे—बजि नसे थुखे छकः स्व, भाजु ।
५. मनयाः—वासः मनयाः वया ल्वय् लिथुउगु खः ।
६. मनसे—कृष्णचा जा हे मनसे (सें) स्कूल वन ।
७. न—थुलि जक न । N
८. नव—कापुता ! वजि नि नव ।
९. नये—नयेगु (नसा) इलय् हे नये ।
१०. नयादिसँ—छि ला जिचाभाजु थें का, उलि महि ला नयादिसँ ।
११. नयाबिज्याहुँ—जि भचा लँना च्वने, बाज्याया आलः नि नयाबिज्याहुँ ।
१२. नयेमते—यल धक यक्को नयेमते ।
१३. नये हे मते—यक्को धायागु न्हागु थजु, नये हे मते, मस्त !
१४. थन—वं नःसा थन ।

N. धा. का. बुकि, भःपिउ, तोति, इ० छसिकथं आझाका-
लया रूप जुइ ।

१५. मनः—मामं जा मनः ।
 १६. मनःनि—मामं जा आःतकं मनःनि ।
 १७. नइमखु—ध्वं धौ नइमखु ।
 १८. मनल—सां घाय् मनल ।
 १९. ननं—ननं दुइसुरी सुइसुरी खं ह्यायेमते ।
 २०. नयावं—ह्याचःनिसें वं भोय् नयावं हे च्वँन ।
 २१. नये दः—थौँ कहय् भजनय् नसा नये दः ।
 २२. नयागु दः—सार्कीया ह्यातं जि नं नयागु दः, ग्व जित छं मजुउ ।
 २३. नयेखः—नकतिनि तंगुलु रामं 'नयेखः' धाल ।
 २४. नयागुखः—उखुनु तिनि छिनापं जि नयागुखः ।
 २५. नयेफः—वं मचा जुउसां छमना जाकिया जा नयेफः ।
 २६. नःगु—भनि नकतिनि नःगुखः ।
 २७. नयेला—जा नये लाकि बजि नये ?
 २८. नइन—वं जा नइन ।
 २९. नःसा—वं जा नःसा जक जि नये ।
 ३०. नलसा—दाजुकिजापिसं नलसा जि जक छाय मनये ?
 ३१. नइसा—छंगु लहातं वं नं नइसा जि नं नयाबिये ।
 ३२. नयाच्चँने—छपिं लवाना च्वँ, जि पुकुपुकु नयाच्चँने ।
 ३३. नयावं च्वँनेतिनि—ब्वां लिहाँ वा, जिपिं थन नयावं च्वँनेतिनि ।
 ३४. नलखइ—कांग्रे सतयसं च्याम्बलःया लहातं नं जा नलखइ ।
 ३५. नसेंलि—वं नसेंलि छं छाय मनयागु ?
 ३६. नयांलि—भाःतं नयांलि तिनि कलातं जा नइ ।

३७. न हे नः—बरेतयसं नं थौकह्य् खाखे न हे नः ।
 ३८. नतुं (तु)नः—ब्रम्हूतयसं नं जजमांतय छये भोय् ला
 न हे नः ।
 ३९. न हे नयेमाः—छं थुलि ला जा न हे नयेमाः ।
 ४०. नवंछु मनवं छु—वं भोय् नवं छु मनवं छु ?
 ४१. नलं छु मनलं छु—मृदू मंद्इमहस्यां वासः नलं छु मनलं छु ?
 ४२. नःजुल—छुधाये ! ल्वय् लिथुकाः आःथ्वं वासः नःजुल ।
 ४३. नयेगु—वं जिगु ल्हातं नं नयेगु यात । ३०



प्यद्या

लिआखः

३५. लि आखः तंवयाः दःवङ्गु शब्दया छुं दसु :—

१. म्ह—नःम्ह, याःम्ह, द्यंम्ह, रुवःम्ह, वुउम्ह इ०
२. सा—नसा, तिसा, हासा, रुवाःहुसा, लासा इ०
३. पू—नपू, ल्वापू, धापू, न्वापू, दापू इ०
४. सु—नसु, दसु, न्ह्यसु, रुवसु, मचासु इ०
५. से—यइपुसे, न्ह्याइपुसे, खिउंसे, तुयूसे, म्हासुसे इ०
६. वाः—पिवाः, थुवाः, लँजुवाः, छयेँथुवाः, जवाः इ०
७. छि—माःछि, गाछितुछि, म्हुछि, चछि, हिछि इ०
८. बह—न्यँनेबह, स्वयेबह, हँनेबह, ल्ययेबह, धायेबह इ०
९. भाय्—नयेभाय्, त्वँनेभाय्, क्यँनेभाय्, व्वँनेभाय्, सया-
भाय्-इ०
१०. कुं—न्याकुं, लुकुं, बिकुं, लिकुं, सेकुं इ०
११. खँ—नखँ, त्वँखँ, न्वाखँ, बाखँ, चिनाखँ इ०
१२. ज्या—थाज्या, लाज्या, कँकाःज्या, सिनाज्या, बुँज्या इ०
१३. ति—क्वाति, जाति, मूति, खिति, चःति इ०
१४. सः—हाःसः, लिसः, तःसः, रुवःस, न्ह्यःसः इ०
१५. मि—यँमि, मचाकामि, च्वमि, व्वँमि, लँमि इ०
१६. द्यः—नयेद्यः, हेङ्गसाद्यः, क्वाकाद्यः, भगवान्द्यः, गणेद्यः इ०
१७. गुलु—गजिगुलु, थ्वँगुलु, खंगुलु, स्वगुलु, न्ह्यःगुलु इ०
१८. चुलु, सुलु, म्हुलु, —खिचुलु, हिंसुलु, खिम्हुलु, च्वकुम्हुलु,
आछिम्हुलु, इ०

१६. थु—बुँथु, छ्येँथु, लिथु, जाथु, न्ह्यथु इ०
 २०. पु—मेपु, सापु, हँय्पु, ज्यापु, लँपु इ०
 २१. जु—गुरुजु, बाजु, तताजु, ब्वाजु, दाजु इ०
 २२. चा—मचाचा; मैचा, दुगुचा, मनूचा, फुंगचा इ०
 २३. पहः—मचापहः, लुचापहः, तःधिपहः, माःपहः, खँपहः इ०
 २४. पं—द्यापं, तापं, ल्हापं, न्ह्यपं; चापं इ०
 २५. गः—द्यगः, फागः, हँय्गः, धोंगः, फँगः इ०
 २६. सि—न्यासि, दसि, दासि; खिसि, बिसि इ०
 २७. आ—भितुना, मंतुना, मुना, भाःपाः, याना इ०
 २८. पः—गःपः, खिपः, सुपः, कापः, तुपः इ०
 २९. गु—नयेगु, यायेगु, धायेगु, याःगु, यानागु इ०
 ३०. पा—सुपा, दिपा, कंपा, हपा, चापा इ०
 ३१. हाँ—पिहाँ, दुहाँ, थहाँ, क्वहाँ, लिहाँ इ०
 ३२. ख्वँ—दाख्वँ, सिख्वँ, स्वाख्वँ, बुहाख्वँ, न्वाख्वँ इ०
 ३३. कः—न्वाकः, याकः, ल्हाकः, ब्वंकः, न्यंकः इ०



ङाद्या

खँगोया ख्वाः व वया मूल रूप

३६. चलित्गु आखः लोपगु खँगोतः—

‘क’ लोपगु— ढः (ढक); ख्याः, भ्याः; जातः, आलः, सी (सिक), कतः,

‘ख’ लोपगु— लः (लख); नाः, को, पलाः, पोँ, मनू, ल्याः, मलः,

‘च’ लोपगु— कै (कैच), खो. म्हाय्, नाय्, ग्वाय्, खेँ, मे, लैँ, क्यै, खै, म्वाय्, ल्वय्, सेँ, ग्वय्, सुपाय्, ध्वाय्,

‘ज’ लोपगु— भोय् (भोज), बणय्.

‘त’ लोपगु— पर्वः (पर्वत); लाहाः, प्वाः, गाचो, भोँ; खः, खिपः, अखः, न्हाखः, नखः, भ्यगः,

‘थ’ लोपगु— कँ (कँथ); पँ, प्वाः, त्वाः, सी,

‘न’ लोपगु— स्वां (स्वान); ग्वाखं, बाखं, दुगं, बकं, छ्याकं, इकं, स्वकं, बथां, मिजं, फकं, लं, ह्वातां, भाजं, पचिं, बखुं, चखुं,

‘म’ लोपगु— मां (माम), नां, गां, द्यां, दां, आगं,

‘र’ लोपगु— बिचाः (बिचार); भः;

‘ल’ लोपगु— बहाः (बहाल), पुचः, नुगः, बः, भयाः, धः, सः, को, पो, गो, घः, वय्कः, छःपो, पःखाः, गाः, पसः, मकः, सिखः, नेपाः, धोँ, जी, ती, गजूः माः, मू, पिवाः, थुवाः, जवाः, माकः, प्वाः, सासः, त्वाः, गः, ख्याः, जो, साः, ध्वाथः, पिचः, स्यः, साखः, ख्यः, व्यागः, चुकू, सफू, वो; बैगः, बाः, ख्वाः, भो, घाः,

मोहः, ई, कपाः, सुरूवाः, ग्वाज्यः, ह्वाज्यः, न्हू, द्वाः, अजः,
 अंगः, भंगः, मंगः, ह्वांगः, हः, किचः, ब्वहः, ससः, मगः, त्वाकः,
 उगः, आपाः, फः, सतः, छय्यः, मो, धो, आवाः,
 'व' लोपगु— वः (वव), नयाः, ताः, काःसा, (क्रियाय् 'व' जक
 लोप जुइ) भाः, खः, जः, तः, द्यः, आः,

'स' लोपगु— मे (मेस); ह्य्, हाय्, बाय्, आय्, माय्,
 ह्य्य, दे, बय् (वर्ष); थाय्, धय्य, घाय्, भाय्, फय्, फै, इ०

'ति, धि, नि, लि,' लोपगु— धौ (धलि); भौ (भति),
 भौ (भलि), पौ (पलि), खौ (खलि); थौ (थनि);



खुद्या

“ श, ष, स ”

उथें शब्दय् व नेपाल शब्दय् ‘श’ नं ‘ष’ नं वइमखु, खालि ‘स’ हे जक वइ। उजो शब्दय् धाःसा ‘ष अथवा श’ वाला खःसा ‘श’ या थासय् ‘श’ हे, ‘ष’ या थासय् ‘ष’ हे वइ।

(क) नेपाल शब्द— सल, सः, सति, सतिका, संगू, सँसि, किसि, नास्व, लँसो, लसकस, धुसि, कुसि, उसु, ह्वासु, असं इ०

(ख) उथें शब्द— भासय् (भाषा), आसय् (आशा), सः (शय), इ०

(ग) उजो शब्द— आशा, अवश्य, आकाश, आदर्श, आवश्यक, आश्चर्य, आश्वासन, आशय, आशिष, आशीर्वाद, ईश, ईश्वर, अंश, काशी, कुशल, केश, कोश, कोशिश, खुशी, चश्मा, जोश, जोशी, तमाशा, त्रिशूल, दर्शन, दिशा, दुश्मन, दृश्य, देश, नक्शा, नशा, नाश, निश्चय, निशाना, पशु, पिशाच, पोशाक, प्रश्न, मशहूर, मुश्किल, यश, लश्कर, विश्व, विश्वास, विशाल, विशेष, विशेषण, वंश, शक्ति, शपथ, शर्त, शर्मा, शरीर, शशी, शहर, शत्रु, शाक्य, शाखा, शान्ति, शायद, शाह, श्यावास, शिकार, शिथिल, शिर, शिव, शिशिर, शिष्य, शील, शुद्ध, शुभ, शुरू, शूद्र, शून्य, शेखर,

शेर, शैतान, शैली, शोक, शोभा, शौख, शंकर, शंका, सन्देश, होश, अभिषेक; आकर्षण आँविष्कार, उपनिषद्, उषा, ऋषि, औषधि, कृष्ण, कृषक, कृषि, घोषणा, चेष्टा, दुष्ट, दोष, दृष्टान्त, द्वेष, नष्ट, परिषद्, पुरुष, पुष्ट, मनुष्य, भाषण, भीषण, वर्षा, विष्णु, विशेष, विष, विषय, विषाद, वृष्टि, शेष, षड्यन्त्र, षष्ठ, सन्तोष, संघर्ष, सृष्टि, हर्ष, हितैषी, हृष्ट इ० ।

“ त, थ, द, ध, न ”

उजो शब्दय् तोताः फुकं थासं ‘त, थ, द, ध, न’ वइ ।
अर्थात् ‘ट, ठ, ड, ढ, ण’ वइ मखु । गथे—

(क) उजो शब्द— इष्ट, दुष्ट, बैठक, पाठ, डर, खण्ड, ढंग, ढपोट, बाण, वर्ण इ० ।

(ख) उथें शब्द व मेगु शब्द— अत, काति, कातु, थकालि, थकू, थौकह्य, दकिला, दळये, देमा, धलि, धुकू, ध्यबा, नकि, नवा, नये, ध्वाका, कथा, ह्नातं, सित इ० ।

अपवाद— म्हुदु, ढः, भुदु इ०

द्रष्टव्यः— ‘ड’ दःगु विदेशी शब्दयात् ‘ढ’ या थासय् ‘र’ तयाः थःगु हे शब्द थें च्वंक यंकिइगु नेपाल भाषाभाषीतय चलन दः । गथे—करा (कड़ा), पुक्क्या (पुड़का) सोरा (सोडा); ध्यर (ढिडो); इ ।

‘ व, व ’

उजो शब्द बाहेक मेगु फुकं थासय् ‘व’ उच्चारण जुउसा

‘વ’ હે, અલે ‘વ’ ઉચારણ જુઝસા ‘વ’ હે ચ્વયૈમાઃ ।

(ક) ડજો શબ્દ—વિદ્યાર્થી, વર્ષા, વિવેક, બલ, વિશ્વાસ, બોલ, બથાન ઇ૦

(ઁ) ઉર્થેશબ્દ વ મેગુ શબ્દ—બઃ, બુકે, બિયે, વયે, બં, બાકૂ, વિ, બુ, બું, બો, બૌ, બરાં, બુઝૂ, બ્યાલિ, ઇ ।

કચાલમ્

चमिया मेगु सफुः—

१. नेपाल भाषा खः कय चयेगु लँपु
२. वयात (चिनाखँ मुना-प्रसय)
३. मस्तयसफु छगु
४. मस्तयसफु निगु-प्रसय

छितं नेपामि खः, उकि चय च्वंगु पत्र-पत्रिकात ग्राहक जुयाः
नरु ब्वेता दिसं ।

दके ह्यापां पिहां वःगु ह्लिपो “नेपाल भाषा पत्रिका”

लछिया १५०

दछिया १७१-

खिउ लं, काठमाडौं,

उरुचकोटिगु साहित्यिक कृतपो

“नेपाल”

छगुया १७५

त्यत मुछे, कास्तिपुर

दछिया ४१-

नेपाल भाषाया लोकप्रिय धार्मिक लापौ

“धर्मोदय”

छगुया १२५

नेपाल, काठमाडौं

दछिया ४१-

पलाभायया न्हेंकंगु साहित्यिक पो

“थौं कुन्हे”

छगुया १२०

त्योड, काठमाडौं

दछिया २१-

मुद्रकः— हिमालय प्रेस, अंबहालटोल, नवहील, काठमाडौं, नेपाल ।